

礼  
18



礼  
65

吳興劉氏嘉業堂鈔本

宋會要卷第八十五

大興徐松輯大典本

吳興劉承幹編定

禮空嘉帝諡二

帝諡二

仁宗 英宗 神宗 哲宗

吳興劉承幹書畫錄

宋會要卷第八十三

大興徐松輯大典本

吳興劉承幹編

禮記五嘉 帝証二

帝証二

仁宗體天法道極功全德神文聖武睿哲明孝皇帝  
初謚一民無為曰神經緯天地曰文通達先知曰聖保  
大定功曰武照臨四方曰民慈畏愛親曰孝元豐六年

仁宗

吳興劉氏嘉業堂鈔本

五月二十五日加上合號 神宗元豐六年三月二十  
五日詔仁宗皇帝尊謚宜加上至十六字有司詳具典  
禮聞奏仍於大禮前擇日奉上冊寶五月二日詔加上  
仁宗皇帝尊謚改作奉上徽號仍令三省官雜學士以  
上與太常寺官同詳定以禮部尚書撰議文

閏六月四日詔改差翰林學士鄧潤甫撰仁宗徽號  
議文 二十五日宰臣王珪等請上仁宗皇帝徽號曰  
體天法道極功全德神文聖武濬哲明孝皇帝 議曰  
臣等聞名者實之昭也實著則名美號者功之表也功  
駿則號隆此自然之符不易之道也故自古濬哲之君  
臨制四海其道至于配神明享天地其德至于澤萬物

七行  
二十日  
起  
一  
批  
行  
紙

和天下治伴往初功無與二然生必膺大名終必崇徽  
號而後能揚對天之烈昭無窮之聞罔允蹈而不昌疇  
或遺而能存夫冠德卓絕者莫崇於二帝收功雋偉者  
莫隆于三王稽其所行率由茲道故典謨之所載生適  
長發之所歸美清廟執競之所詠歌赫乎如日月震乎  
如雷霆傳之子孫與天無極唯宋有天下以聖繼聖以  
神繼神蓋未嘗易此也恭惟仁宗皇帝躬上聖之質宅  
丕平之期有聰明睿智之期切有徽柔懿恭之德粵自握  
乾符闡坤珍則儲思于極治垂鑒于太清馳仁聖之極  
勢蹈帝王之登閔若夫知落天地而不自慮辨同萬物  
而不自說虛已以延後人之策和顏之來直諫之諫拂

吳興劉氏嘉業堂鈔本

心逆耳罔不并容此乃虞舜之察適言也汎愛黎庶惟  
刑之恤建明察以官之擇慈惠以長之文疑者請讞罪  
疑者予民用法誤人斥而不復故微文巧詆之俗易勝  
殘去殺之化成此乃帝堯之哀庶戮也履三聖之重熙  
乘四海之既富賞與地伴廣貴與天比崇而克已復禮  
以先天下斥侈靡示太素此乃文王之卑服即功也昭  
事上帝小心翼翼雨暘之不時天異之或見未嘗不潔  
誠齋戒側身修行以答塞咎應導迎福祉此乃高宗之  
寅畏天命也玉几聽斷至于日中黼帷訪覽逮于夜艾  
攬權綱核名實劾吏之勤也明賞信罰以勸以懲欲民  
之裕也簡政敷惠以俯徇之天子之下涵養理極薰以

太和麗以時雨凡其所欲不竭而獲此其所惡不祈而  
息戴白之老不識兵革澤浸而益深仁翔而益踴迨夫  
乘久安之基憫累積之弊則奮然進用大臣收斂豪俊  
欲變天下之治以還復三代之隆教開延閣以訪其先  
務又降神翰以督其施為群臣承命震懾奔走發德音  
下明詔興學校勸農桑修廢官舉逸民破拘孿之例以  
薦進人才聿因循之法以旌別能否節用度而先之宮  
禁制財賦而歸之有司減任子之數設守宰之課于時  
四方拭目以觀太平緝熙之績過乎於穆盛德之頌續  
于猗那躬藉以率天下之耕袷祭以教天下之孝八見  
郊時而拜既摩禋之禮成再祀明堂而嚴父報本之志

吳興劉氏嘉業堂鈔本

盡收遺俊理秘文以潤色鴻業定雅樂均鈞石以逆釐  
三神合大宗於外郎而愜睦辨章之化洽錫諸將以新  
書而攻守應敵之畧具陟配三后並假二廟隆孝治也  
親屈車駕臨幸太學崇儒術也制定六經罷黜百家揭  
正道也奮詞擣藻昭回雲漢明聖作也廢放鄭聲屏棄  
田獵抑損燕私以勞天下尊德性也秘殿之下錦几之  
上論經居前勸誦在後道悶學也其禦戎也迫而後應  
其治兵也勤而必勝故靈旗西伐而王關請盟天戈南  
揮而兗渠就截揚旌絕域之表勒功未垠之野雖詩之  
雷霆易之折首不能過也至於決大策建大本未嘗不  
圖萬出之安符四海之望稽天從人援立聖子而社稷

以安凡有以寧雖禹之知啓文之立武不能踰也故四十二年表裏禔福綱紀完容易治也法度昭明易則也英才鱗集易用也軌迹平夷易循也德澤之流川徧海溥膏魄四塞沾濡行葦濛被馬牛符瑞之衆水湧山出間見層布編于史牒詠于樂歌莊周曰美成在久信乎其久也孔子曰世後仁信乎其仁也觀之前聖考之近古蓋未有殊尤絕跡善始善終于此其盛也夫澤被天下民莫能名非體天乎為而不恃應而不藏非法道乎兵寢不試刑措不用非極功乎六通四闢兼濟萬物非全德乎制禮作樂播及天地非神文乎不怒而威不殺而服非聖武乎故天與子以嗣大歷非濬哲乎亭燭無

吳興劉氏嘉業堂鈔本

疆萬物並照非至明乎茲惠愛親刑于四海非至孝乎卓哉昭爛真神明之表也非道備全美孰能兼此伏請上徽號曰仁宗體天法道極功全德神文聖武濬哲明孝皇帝

七月二十七日詔仁宗皇帝徽號冊文命宰臣王珪撰門下侍郎章惇書

十一月二日帝詣大慶殿備禮奉徽號玉寶授左僕射王珪赴太廟奉上仁宗室冊文曰孝孫嗣皇帝臣御名謹再拜稽首言曰臣伏觀古先哲王莫不大名發於前而大惠昭于後其法皆本於至公而不可易至後世臣子又欲盡報上之道以謂君德甚盛其言不足以色

衆美于是有至部加謚之文夫欲推事存之禮述追遠  
之志則奉素高之榮號益新紀之鴻烈謀群公請太室  
洋洋乎際天接地而震顯之不亦當靈心而傳古誼乎  
恭惟仁宗神文聖武明孝皇帝躬清明之資賦神睿之  
略乾行施之不息仁性根於自然時乘六龍端御大器  
知窮八荒而不見其迹澤及萬彙而不居其功而乃簡  
拔雋賢放逖邪佞宥恕刑獄懷保鰥寡賞不徇所私罰  
不失於理興農桑之本務緝禮樂之墜文有慘怛好生  
之心吏或誤入重辟必終身見斥有寬裕從諫之度言  
者屢進狂直必曲意見容念兵革之傷夷則不殺而服  
念稼穡之勤勞則周甯於逸矧履天下之尊而持之以

吳興劉氏嘉業堂鈔本

抑畏高天下之富而寶之以儉素輿馬不聞於游盤鐘  
鼓不涉於閒燕宮室奢亡靡之飾器服亡瑰奇之玩加  
以夙夜齋禱事天之誠盡霜露怵惕念親之感深方朝  
廷之久安迺大革因循而聖政又新為社稷之重計迺  
前定禍亂而皇嗣蚤立故四十二年仁恩川流涵濡薰  
蒸格于上下日月華風雨時四時和百穀蕃北有獷狁  
而不能驕西有黠羌而不能軼蟲魚遂性自安川藪之  
游男女潔誠更趨耕織之樂故有幽遐荒昧之俗不約  
而子來奇偉個儻之瑞不創而時見者矣丕赫哉憲度  
鴻明聲文沛施自載籍之傳益未有休功盛業可加于  
茲也重循涼菲永念猷訓今將款清廟涉紫壇遂受厚



福以浸黎元宜于此時臨彤庭發玉版上不敢隳祖宗  
之典下不敢絜神明之情如堯如舜如禹如湯豈不高  
一世之聞而流萬世之聲哉爰飭上儀載揚景鑠謹遣  
銀青光祿大夫尚書左僕射兼門下侍郎上柱國太原  
郡開國公食邑七千六百戶食寔封二千五百戶王珪  
奉玉冊玉寶加上徽號曰仁宗體天法道極功全德神  
文聖武濬哲明孝皇帝恭惟明德在天臨受徽稱維億  
萬年永錫皇祉謹言

英宗

英宗體乾膺歷隆功盛德憲文肅武睿神宣孝皇帝  
初謚聖能法天曰憲經天緯地曰文剛德克就曰肅保

吳興劉氏嘉業堂鈔本

大定功曰武重光麗日曰宣尊仁安義曰孝元豐六年  
五月二十五日加上今號

神宗元豐六年五月二十五日詔英宗皇帝尊謚宜加  
上至十六字有司詳具典禮聞奏仍於大禮前擇日奉  
上冊寶

五月二日詔加上英宗皇帝尊謚改作奉上徽號仍  
令三省官雜學士以上與太常寺官同詳定以禮部尚  
書撰議文

閏六月四日詔翰林學士鄧潤甫撰英宗徽號議文  
二十五日宰臣王珪等請上英宗皇帝徽號曰體乾膺  
歷隆功盛德憲文肅武睿神宣孝皇帝 議曰臣等聞

運行無窮橐籥萬物而其迹不可見者天也微妙不測  
化育萬類而其功不可名者常也大夫之迹雖不可見  
然言其氣則謂之昊言其仁則謂之昊帝之功雖不可  
名然稱其化則謂之聖稱其妙則謂之神亦道其可見  
與其可名者而已矣故自五德初起以還聰明睿智之  
主莫不察天人曉與詠歌之心紀祖宗殊尤卓偉之烈  
崇徽號備典策以協大公之議以稱褒揚之誠炳之四  
方傳之後世豈不盛與恭惟英宗皇帝受命穆清履道  
淵懿秉乾之剛健體離之文明粵自潛隱宗藩出就序  
序其神靈之德粹美之行已穎然見于宗室之表篤於  
學問明且不寐究道德之高明原仁義之歸趣察古今

吳興劉氏嘉業堂鈔本

之變貫蹈聖賢之中庸斯乃高宗之學於河洲所不能  
方也故養正聖功裕然自得於穆令問衆莫不聞譬夫  
應龍之將飛也必文采著見而後能戢膠葛騰九閻大  
明之將升也必光氣前發而後能掀氛翳燭六合此神  
明之祚自然之符也仁宗皇帝深見天命燭知至德斷  
之聖心授以宗器而謙卑自守弗即承詔有予德不嗣  
淵穆之對有確乎不授中正之操逮乎越歲踰時迺始  
遷思回慮以翼相邦家贊揚濬哲斯乃漢文之遜代邨  
所不能備也及夫膺當天之明命乘炎上之興運則抗  
意于闕眇儲思于泰甯念昭考之託也則達三年之戚  
而不改其道念文母之慈也則極四海之養而不能竭

其誠拜况園邱則刺六經綴禮樂而肅祇羣臣之禮備  
登禋清廟則合諸侯諧金石而顯相多士之德洽沃萬  
微之務也踰于日昃覽四方之奏也至于夜艾其于政  
也興同利而除同害其于民也予所欲而措所惡發廩  
以賑窮乏抑末以勸農桑惠吏之寬則濟之以嚴患俗  
之薄則矯之以厚施不次之賞用不測之罰明忠信以  
示之振綱律以維之勵明明之志式昭昭之明秉翼翼  
之心就赫赫之蹟體貌大臣賓禮故老悅色以開諫諍  
前以待俊又數下明詔敷求謹言至於日臨經幄以延  
講儀隆學也問閣祕殿以諭獻納廣聽也置宗子之學  
以彊蕃衛洪業也增冊府之員以育英才盛觀也合兵

吳興劉氏嘉業堂鈔本

于農而不牽浮論明斷也拔材於隱而不問疎親善馭  
也糾合諸侯而斥棄禁禦至仁也入繼大統而嚴於尊  
祖上德也躬定聖嗣以安天下光哲也若夫承富有之  
業而示之以敦樸宅丕平之期而莅之以勤愨絕却聲  
色之好屏去游田之娛左右嬖媵無椒風增成位號之  
授苑囿臺沼微長楊屬玉觀覽之靡克已以化民力行  
以率下左右齋慄懷金貂慕學之善貴戚循禮杜濯龍  
車馬之僭四方承風百僚仰法况復宣藝祖之重光襲  
神宗之遠略信幣北指匈奴畏恐以謹明輜軒西馳黠  
羌震懾而請命不頓一戟不煩尺組而三垂晏然矣是  
以五年之間大勳允集環海之內含生之倫莫不蒙被

潤澤其效祥荐瑞應圖合牒者馴擾悃收厲揭邦畿卓  
犖郡國洋溢要荒儻天開永命增錫壽祉則將度三王  
之軌躅歷二帝之登閔奮張德威斥大疆土揚旌北戶  
之野飲馬幽崖之水文加乎日域令肅乎河源色上聖  
之所不征盡至仁之所不服爛然竹帛不可殫紀者已  
臣謹稽之前古考之行事察縉紳之所傳究六藝之所  
趨夫剛健粹精不言所利非體乾乎繼天統極傳之無  
疆非膺歷乎丕承之烈盈塞天淵非隆功乎輝光日新  
格于上下非盛德乎華藻照爛經緯乾坤非憲文乎四  
裔震疊莫不來庭非肅武乎窮理而通致一而明睿也  
鼓舞萬物民莫能名神也昭明義問不匿厥指宣也承

吳興劉氏嘉業堂鈔本

顏安親懽敘九族孝也盛哉鑠乎真帝王之極摯今昔  
之上儀足以焜耀四方烏奕千載非澹然無極衆美從  
之者孰能與於此伏請上徽號曰英宗體乾膺歷隆功  
盛德憲文肅武睿聖宣孝皇帝詔恭依宜以群臣所上  
議詣太廟本室奏請

七月二十七日詔英宗皇帝徽號冊文命冊臣蔡確  
撰中書侍郎張某書 徽號寶文命尚書右丞王安禮  
書

十一月二日帝詣大慶殿備禮奉徽號授徽號寶冊  
於右僕射蔡確赴太廟奉上英宗室冊文曰孝子嗣皇  
帝御名謹再拜稽首言曰臣聞古之盛王有功有德施

於四海燕及後昆追美之稱非一而止若商之先以除  
虐造邦其號為湯而本其業盛道崇則曰烈祖曰高后  
若周之先以受命改制其謚為文而言其治安欽和則  
曰甯王曰穆考皇矣累聖循厥古憲奉先徽冊至于再  
三典禮雖殊其揆一也肆及寡昧獲承其統永懷周極  
敢忘斯義恭惟英宗憲文肅武宣孝皇帝道配天地德  
協祖宗生而神靈赫然顯著赤光照室應炎運之興黃  
龍蟠畧符真人之出粵在潛邸有倬令問以生知之上  
性天錫之大智而進德以修業緝熙於光明仁宗皇帝  
顧謚三靈之心特託九鼎之重勞謙虔鞏爰至歷年蔽  
志先定而莫之移眷命有開而不可避及夫執大象建

吳興劉氏嘉業堂鈔本

皇極聖作而萬物覩身修而天下服內則欽孝於東朝  
外則敦睦於九族圉邱裡帝則協氣廓乎積晦大饕享  
親則至誠見於思成昧爽丕顯惟懷永圖絳庭上下克  
篤前烈當斯時也收主威奮剛斷飭法度信命令賞不  
私近罰不異遠舉偏補弊而事無遺慮循名責實而人  
靡適情懋適臣以先務而開昭曠之原戒庶工以載采  
而懲苟簡之習宗室廣學而親賢盛兵農一籍而戎備  
修進循良斥貪暴察寃滯禁奇袤闢污萊勸耕稼賑貧  
乏恤梵獨政事之純粹仁恩之深厚此有生相與鼓舞  
六合所頌歌者也至於妙道淵度則疇足以窺彷彿而  
望末光其出如雲黃帝之聖也其運如神放勳之智也

其德巍巍高平之化也其明斤斤姬武之畧也是故制大典而後世無以議決大政而異說不能操熙大業而四方訓之子孫保之若忽不羈之俗固不來感生殖蚊燒之類罔不遂字嚮明而治曾未再閏巍巍蕩蕩如此其盛也若夫清閒之燕訪納無射澹泊之樂藝文是玩百金之費不加館園屬車之塵不及游田杜外戚之橫恩而正以禮法裁王姬之浮用而迪以肅雍維茲其前史所稱以為帝王之高躅者已在我英考之道猶江漢之一勺山嶽之一簣也今夫綱紀文章嚮於大備非沖人克新厥政惟我英考之詒謀日月所照神民協和非沖人克有勛功惟我英考之餘澤光靈如前罄歎莫聞嚴

吳興劉氏嘉業堂鈔本

明堂之宗祀奉嘉卷以踰踏考原廟之新宮瞻玉衣而橫涕載惟崇報之典尚懼講求之闕夫德高於假樂聲繼乎猗那而金匱所藏玉板所刻殆於稱謂未完昭融詢之師虞稽之故事迺以負宸之日既嘗膺受與夫垂世之美可得而形容者於以增鴻名章偉績邁振古摠無窮庶幾乎慰中外之望以致孝思之萬一謹遣大中大夫守尚書右僕射兼中書侍郎上柱國清源郡開國侯食邑一千七百戶食寔封七百戶臣蔡確奉玉冊玉寶加上徽號曰英宗體乾膺厯隆功盛德憲文肅武睿神宣孝皇帝伏惟清明在天鑒觀於下高時茂典於赫駿聲流祉錫光永綏厥後謹言

神宗

神宗體元顯道法古立憲帝德王功英文烈武欽仁聖  
孝皇帝 初謚英文烈武聖孝道德應物曰英經緯天  
地曰文秉德尊業曰烈保大定功曰武窮神知化曰聖  
繼志述事曰孝紹聖二年五月十八日加上紹天法古  
運德建功英文烈武欽仁聖孝 崇寧三年七月二十  
三日再加上體元顯道帝德王功英文烈武欽仁聖孝  
政和三年八月二十九日又再加上今號 哲宗紹  
聖二年正月二十一日帝謂輔臣曰祖宗謚號各加至  
十六字神宗皇帝今止初謚尚未增加宜考求典故以  
聞宰臣章惇等對曰祖宗加謚歲月不定真廟初加八

二行  
三月  
四月  
一抄  
提行  
低  
馬

吳興劉氏嘉業堂鈔本

字是天聖二年今神宗祔廟已十年故事加徽號必在  
南郊前謹如聖旨討閔以聞 三月四日詔曰朕恭惟  
先皇帝經德秉哲君臨萬邦十有九年若古之道考其  
政事功烈之茂匹休三王而謚號所紀曾未足究以宣  
萬一朕嗣有大業懼德不類無以光於前人蓋聖人之  
在天下也神化獨運民無能名而盛德形容言可擬象  
矧是追崇之禮固存列聖之規其率舊章申加徽號用  
揚顯烈垂之無窮先帝謚號見今宜增上徽號十字如  
祖宗故事令三省樞密院官御史中丞雜學士已上同  
太常寺集議聞奏仍令禮官詳具禮以聞二十八日命  
翰林學士蔡卞撰議文 四月二十七日詔加上神宗

二月廿二日

皇帝徽號於大禮前三日行禮如故事 五月十一日  
尚書禮部言增上神宗皇帝徽號係大禮前三日皇帝  
初齋日大慶殿為明堂欲乞文德殿行發冊寶之禮從  
之

十七日詔加上神宗皇帝徽號冊文又命宰臣章惇  
撰門下侍郎安燾書冊寶中書侍郎李清臣書冊文

十八日宰臣章惇等請上神宗皇帝徽號曰紹天法  
古運德建功英文烈武欽仁聖孝皇帝 議文曰臣等  
聞功者德之緒名者實之賓時有阻夷故事有先後道  
有顯藏故言有微彰是故堯舜以帝而紹文武以王而  
興皆聖人也而書稱其德或謂之後或謂之元清廟祀

吳興劉氏嘉業堂鈔本

文而深妙眇冥以見文王之清執競祀武而宣著焯焯  
以揚武王之烈非其不同稱實而已歷選列辟撰其所  
成自周之衰道與世降秦漢隋唐之君見聞卑狹其所  
講究不至三代以上天下之民不獲與被王澤之施者  
千有餘年我宋受命克享天心睿哲相承與周同符恭  
惟神宗皇帝躬上聖卓然之姿而輔之以緝熙光明之  
學深智妙用有開於天蓋自伏羲之所畫黃帝之所名  
箕子之所陳仲尼之所傳微詞奧義意會心徹而得其  
所不言者故於立政造事操之以為驗稽之以為法動  
皆合於先王而非俗學小道所能察也自初嗣服歷歷  
前代法久而弊變而通之非常之元異意交沮公聽並



二月  
月  
行  
行  
低

皇帝徽號於大禮前三日行禮如故事 五月十一日  
撰寫 禮部言增上神宗皇帝徽號係大禮前三日皇帝  
初齋日大慶殿為明堂欲乞文德殿行發冊寶之禮從  
之

十七日詔加上神宗皇帝徽號冊文又命宰臣章惇  
撰門下侍郎安燾書冊寶中書侍郎李清臣書冊文  
十八日宰臣章惇等請上神宗皇帝徽號曰紹天法  
古運德建功英文烈武欽仁聖孝皇帝 議文曰臣等  
聞功者德之緒名者實之賓時有阻夷故事有先後道  
有顯藏故言有微彰是故堯舜以帝而紹文武以王而  
興皆聖人也而書稱其德或謂之後或謂之元清廟祀

吳興劉氏嘉業堂鈔本

文而深妙眇冥以見文王之清執競祀武而宣著焯焯  
以揚武王之烈非其不同稱實而已歷選列辟揆其所  
成自周之衰道與世降秦漢隋唐之君見聞卑狹其所  
講究不至三代以上天下之民不獲與被王澤之施者  
千有餘年我宋受命克享天心睿哲相承與周同符恭  
惟神宗皇帝躬上聖卓然之姿而輔之以緝熙光明之  
學深智妙用有開於天蓋自伏羲之所畫黃帝之所名  
箕子之所陳仲尼之所傳微詞奧義意會心徹而得其  
所不言者故於立政造事操之以為驗稽之以為法動  
皆合於先王而非俗學小道所能察也自初嗣服歷歷  
前代法久而弊變而通之非常之元異意交沮公聽並

觀與神為謀信任同德平圖康功用能拔舉一時之才  
盡飭難變之蠱本數未度無不畢陳文物聲明煥乎可  
述加惠天下十有九年百姓蒙德四夷來賓此其功在  
天下而章明較著者也若夫事親之盡其道睦族之致  
其恩修身之謹齊家之飭從善之易聽政之勤事天之  
畏禮神之恭有後世欲治之主得一以為賢者而身兼  
之篤行之士勉強以為難者而安行之可謂澹然無極  
而眾美從之者也功大而不有名顯而不居發揚闕休  
實在後嗣是以明詔以謂乃者謚號所紀未足以究宣  
萬一無以尊大諡施無窮率循舊章增上徽稱臣等謹  
考諸行事貫之先王益先之以合其幾後之以奉其時

吳興劉氏嘉業堂鈔本

所以為紹天若之以經其常稽之以緯其變所以為法  
古存諸內者大而神被諸外者動而化此德之所以運  
作其大者而小者述之立其本而末者從之此功之所  
以建撫道之餘以應物開物之理以明民此之謂英文  
惟剛也故立而莫競惟神也故威而不殺此之謂烈武  
不自以為足而尊其所可尚之謂欽兼利天下而已不  
與有之謂仁以道為門兆于變化之謂聖而終始於人  
道以立天下之本者孝也合是眾美以為之名各以賓  
寶莫之可誣擬其形容庶可槩見伏請增上徽號曰神  
宗紹天法古運德建功英文烈武欽仁聖孝皇帝詔恭  
依宜以群臣所上議詣太廟本室奏請

七月四日宰臣章惇上所撰增上神宗皇帝徽號冊文詔恭依

九月十六日帝詣文德殿備禮奉徽號冊寶授宰臣章惇上于太廟神宗室冊文曰孝子嗣皇帝臣御名謹再拜稽首言臣聞帝莫盛於堯堯無能名也然頌其德則曰乃聖乃神乃武乃文莫賢於禹禹惟不伐也然稱其美則曰克勤克儉成允成功夫聖人精神之運道德之妙天下雖欲稱之蓋非言詞之所能諭然而善積而譽來功顯而名立則位號之至亦有所不可得而辭嗚呼惟我聖考在宥天下十有九年功德成就巍巍蕩蕩齊乎堯之難名深執謙冲屏却徽稱同乎禹之不伐澤

吳興劉氏嘉業堂鈔本

流當時施及後世四方誦之萬世師之殫竹帛之載不足以敘述罄雅頌之奏不足以形容然而清廟宗德之稱臣子歸美之報積崇累鉅非止一再肆惟小子竊稽大誼其敢苟且恭惟神宗英文烈武聖孝皇帝挺黃帝之神靈而服虞舜之大孝兼成湯之勇智而勵文王之心紹列聖無疆之休當百年承平之久弗恃其安弗有其治望古以有為愛日如不及憫自晚周以來王者之迹熄而言治者無復見古人之大體慨然以唐虞三代為可復顧秦漢而下卑不足議臨御之初即引名世之士講明六經之文得於言意之表黜諸儒學拘之論革千載抗弊之習興造事業作新人才當是時也民懼

非常士守固陋淫朋比德環視蠹起唱險敷之說以震  
驚於天下合流俗之衆欲取必於人上然而曲學不能  
撓義理之正異意不能移委任之專闢正道於群狂必  
爭之際報孤忠於衆讒交毀之中屏黜乖邪而莫敢以  
沽徼為異放遠儉佞而莫敢以附合為同雖頑狠傲戾  
皆革而退聽天下曉然知德意志慮之所在以身為度  
以稽為法言必據經事以道揆探索其隱奧發揮其精  
華黜焉而天潛動焉而神會敘有典秩有禮章有德討  
有罪官正其名士典於學寓兵於民隸軍於將弛後以  
便農平估以抑末刊法令定律呂自熙寧之始迄于元  
豐之際文章制作樞機品式粲然一新覆載之內有耳

吳興劉氏嘉業堂鈔本

有目者莫不延頸企踵奔走承聽相與享其德樂其成  
是可謂大有為之時曠然難逢之會也嗚呼其道妙矣  
不可得而言矣所可言者緒餘土苴應帝王之迹而已  
迺者王公卿士逮蠻夷之長叩闕稽顙願上尊號者至  
於十數卒詔有司毋復以言及夫升祔太室有請於郊  
人謀天同錫茲定命然尚懼并色衆美未能髣髴十年  
于茲靡遑風夜爰卜季秋躬修宗祀而中外合辟祇邁  
典方開明堂配上帝宜增紀徽名對越祖考赫然金聲  
揭之玉版猶之度量天地莫測其高厚橫寫日月徒駭  
其光明姑述所知期于自竭于以彌古今之文中人神  
之願擬而象之垂示無極謹遣左正議大夫守尚書左

僕射兼門下侍郎上柱國豫章郡開國公食邑四千四百戶食寔封一千一百戶臣章惇奉玉冊玉寶加上徽號曰神宗紹天法古運德建功英文烈武欽仁聖孝皇帝伏惟昭德在天降鑒於下於昭受之永綏厥後謹言徽宗崇寧三年三月二十八日詔曰恭惟神宗皇帝以道在天下而以政事治之若稽唐虞三代之隆垂裕萬世無疆之統與天地造化相為終始其功德之盛豈言之一二所能該編而奉上徽號循用舊章必假丕揚著之典冊紹聖之詔竭意追索著之典冊紹聖之詔竭意追索當時議臣講求弗盡夫帝德廣運非運德也魏魏乎其有成功非建功也言既未安理亦隨失殆未足以

吳興劉氏嘉業堂鈔本

仰慰在天之神而昭示於後世哲宗皇帝屢欲更定未及修行肆予繼承安敢輒止宜令三省樞密院官御史中丞雜學士太中大夫以上與太常寺同共集議禮官詳具典禮以聞

五月六日命翰林學士承旨張康國撰神宗皇帝徽謚議文

六月六日命宰臣蔡京撰神宗皇帝徽號冊文并書七月二十三日宰臣蔡京等上更定神宗皇帝徽號曰體元顯道帝德王功英文烈武欽仁聖孝皇帝議曰臣等聞天子之孝所以事宗廟者莫大於率籲衆志發揚宏休故歷世之君皆有徽稱著在典冊以詒無窮然

名止於實必求其當揆之以理則協施之於言則信質  
之前聖而有合垂之後世而無憾然後可以慰在天之  
神而成孝思之美若乃群臣之議出於一時非不大也  
而理猶未稱非不盛也而言有未安則雖嘗請於太室  
薦于明神亦將審議度情以時更定蓋事之大烏可已  
哉恭惟神宗皇帝以聰明睿智莫可企及之姿輔之以  
廣大悉備無所不通之學自初嗣服慨然遠觀當百年  
承平內外流弊之餘非大有為則不能盡飭萬事之蠱  
澗秦漢而下卑陋狹促無足以論而斯民不與被先王  
之澤於是獨取堯舜三代之所為見於詩書者舉而行  
之至於性命之微道德之妙則又自得於心術之間而

吳興劉氏嘉業堂鈔本

操以為驗稽以為決者悉本於聖人之訓故內則孝養  
於兩宮愷敘於九族外則登用同德信任不疑拔舉賢  
能咸以類進異意交沮不潰於成非常之元卒無所懼  
於是立政造事百度一新尊經術以革取士之科明義  
訓以變俗學之弊募力役以除差擾之害時斂散以行  
補助之仁勸農桑阜貨賄嚴保伍均租賦修水土之官  
厚衣食之本以至立原廟以燕祖考別二郊以事神祇  
酌六典以正官名制九軍以飭戰法拔士于片言而拓  
河隴之境築城於遐徼而增蠻荆之酋問罪於西夏而  
師不逾時通使於東夷而仁不異遠德意相向為無不  
成方且寅畏以奉天儉約以率下卻尊號而不受有大

美而不居十有九年海內豐富民安其業物遂其性和  
氣充塞嘉祥荐臻自成周以來未有若此之盛也雖然  
豈勞精神後志慮於叢脞庶務從於事末流也哉猶一  
氣於造化之初萬物賦形各隨其分無不造其極者是  
謂體元體則體此而未始離也道藏於無形不可以為  
象無乎不在亦無乎不為而神之所降明之所出皆見  
於有為之迹是謂顯道顯則顯此而未始散也得道以  
在我由神以應物所同者二帝則總之曰帝德措於事  
業民以歸往所同者三王則總之曰王功而元者貫三  
才以為首通古今而無弊德不可以先言運功不可以  
特言建昔者群臣之議曰紹天法古所謂非不大而理

吳興劉氏嘉業堂鈔本

猶未稱也其曰運德建功所謂非不盛而言猶未安也  
易而正之實在今日若夫經緯錯綜而聲明藻色見於  
數禁所以為英文沉潛不殺而威制強隱見於無競所  
以為烈武不自滿假敬以直內之謂欽博施濟衆視民  
如傷之謂仁自審而作大而能化之謂聖始於愛敬刑  
於四海之謂孝昔者群臣之議無得而易矣惟聖人并  
包衆用莫可形容強以命名皆非其至庶乎髣髴緊見  
於斯伏請更定徽號曰神宗體元顯道帝德王功英文  
烈武欽仁聖孝皇帝

八月十一日命中書侍郎趙挺之書神宗皇帝徽號  
寶文尚書右丞吳居厚書哲宗皇帝徽號寶文初命門

下侍郎許將書神宗徽號寶文從之書哲宗徽號寶文  
將出知河南府故易之

十一月二十三日上詣文德殿備禮奉更定神宗皇帝  
徽號冊寶授宰臣蔡京上于太廟室冊文曰孝子嗣皇  
帝臣御也 信謹稽首再拜言臣聞自古在昔作之君師  
立政造事聖有所生王有所成盛德大業暴白當世或  
放於功而曰勲或協於帝而曰華或可名於大或可名  
於小雖出人心亦天所命至若名不僭於功言不順於  
事過佚前人之光惟厥後嗣周敢庸釋末予冲人奉承  
大統克篤先烈率時昭考念無以報而乃者群臣所上  
典冊所稱紹天之命法古而治功始建而未成於功德

吳興劉氏嘉業堂鈔本

以運而非運於德大懼不足以駿惠在天之靈慰神明  
之心竊迹先王運量四海體元以統天顯道以應世以  
德而帝以業而王非至神其孰能與於此惟我神考以  
上聖之材接百王之緒典謨所載風雅所歌本數末度  
述而作之放黜鬼瑣與時變通作新斯人更法定令正  
身齊家小大祇若外薄四海罔有不欽藏用於密無能  
名焉然驗諸猷為形容擬議則而象之可考而言資始  
於乾資生於坤弗違於天而為之先合氣於漢而原其  
本首出庶物以體於元神而明之大而化之列而在事  
陳而為法緝熙光明以顯於道欽明文思潛哲温恭以  
身為度表正萬邦帝德也九功為敘九敘為歌有典有



則貽厥子孫王功也恭惟神宗皇帝備道全美其大若  
此追既往之未究伸孝思之罔極舉是四者丕揚顯烈  
令并舊章於是為稱令燎禋泰壇戒事有日率籲眾志  
申命自天對越祖宗昭示萬世謹遣司空尚書左僕射  
兼門下侍郎上柱國嘉國公食邑五千八百戶食寔封  
一千六百戶蔡京奉玉冊玉寶上徽號曰體元顯道帝  
德王功英文烈武欽仁聖孝皇帝伏惟靈德在上臨下  
有赫昭受明命緝我思成永世有辭克昌厥後謹言

哲宗

哲宗憲元繼道顯德定功欽文睿武齊聖昭孝皇帝  
初謚欽文睿武昭孝威儀悉備曰欽道德博聞曰文家

吳興劉氏嘉業堂鈔本

方蓋平曰睿闢境斥土曰武聖欽日躋曰昭繼志成事  
曰孝崇寧三年七月二十三日加上憲元繼道顯德定  
功欽文睿武齊聖昭孝政和三年八月二十九日改顯  
德定功為世德揚功

徽宗政和三年正月十一日內出手詔朕嗣承祖宗丕  
祚懼德弗類率時昭考永惟熙寧元豐盛德大業述而  
明之孚于四海故自續緒以來循親疎愷之詔而為  
之建兩京敦宗之令遵學校養士之法而申之以鄉舉  
里選之政追葺正治官之志制名定位訓迪文武之秩  
紹鈞翰裕國之制懋遷有無阜通山海之利乘常平羨  
餘以養孤鰥寡使民養生送死無憾嗣開拓武功以柔

遠人闢畔牝積石列為郡縣一紀于茲迄用有成和足以廣樂富足以制禮聲名文物於是大備荷天之休諸福之物畢至錫以元圭告成厥功推原本始寔自我烈考施張彌綸權輿萬事以克用人亦惟我哲宗繼志述事克篤先烈顧朕何德以堪之朕若稽古那祀成湯以衍烈祖維清太平以告文王拜朕續述緝熙先烈共成康功永言孝思不敢不告可差官冊告永裕永泰陵神宗尊謚比祖宗已各十六字然不著稽古建立法度之意哲宗遵制揚功未能昭顯蓋不足以慰在天之靈垂示萬世其令群臣參議加上神宗四字改定哲宗舊謚以聞俟將來冬祀享廟躬卜奉上以稱朕功成不居歸美

吳興劉氏嘉業堂鈔本

顯親之心咨爾中外其體至懷

二月三日命翰林學士張閣撰加上神宗皇帝徽號議文翰林學士承旨白時中撰更定哲宗皇帝徽號議文

閏四月十一日張閣平政命翰林學士強淵明撰神宗謚議

二十七日命太師魯國公蔡京撰神宗皇帝哲宗皇帝徽號冊文并書少師太宰何執中書神宗皇帝徽號寶文門下侍郎余深書哲宗皇帝徽號寶文

八月二十九日太師魯國公蔡京等上加上神宗皇帝徽號曰體元顯道法古立憲帝德王功英文烈武欽

仁聖孝皇帝 議曰臣等聞帝有所生王有所成事業  
不同名聲異號其來尚矣自昔至治之君殊功俊德敷  
於四海垂裕後昆必有丕顯之號發揚而光大之者在  
簡冊揭若日月然後普天之下於萬斯年傳誦不絕嗚  
呼盛哉若乃懋建非常之業而未備非常之稱仰不足  
以慰在天之靈俯不足以厭兆民之情則在我嗣聖敷  
賁前人率籲衆志弗敢已也恭惟神宗皇帝稟上聖之  
姿躡興王之運爰自初政慨然有為遠鄙漢唐之因循  
近悼五季之卑陋解趨拘擗追蹤三代帝王之美巍巍  
煌煌先塞天地不可殫述姑撫其大略而敷繹之惟我  
神考欽事兩宮孝思維則親睦九族和樂且孺旌別淑

吳興劉氏嘉業堂鈔本

慝登崇俊良立原廟以蒸祖宗而春秋非懈別二郊以  
事神祇而天地明察黜雕蟲篆刻之文以求經術之士  
致賓興賢能之法以革科舉之弊以免後息民而力有  
餘以青苗助民而用不匱賑恤躋阨則有常年以理財  
懋遷有無則有市易以通貨乃勸農桑而千耦其耘百  
穀盈止乃嚴保伍而兵政以寓奇袤以察酌六典而正  
官名則分職率屬而百僚師師制九軍以飭戰法則有  
嚴有翼而征師烈烈乃議禮文以興制度而下土是式  
乃考鍾律以審音樂而先祖是聽至於西戎匪如敢讎  
大邦乃命將帥恭行天討豈窮兵哉勤恤民隱也東夷  
慕義來獻其琛乃遣使臣寵宣王靈豈好大哉澤及四

海也是以十有九年之間天下均被其賜日星循軌川  
洛效珍叶氣嘉生薰為太平至若精微之學表裏六經  
雲漢之章昭回萬物則天縱之能得乎自然功蓋天下  
謙以自牧屢却尊號發於至誠則不居之聖無愧前哲  
洋洋乎大哉由三代以還信史所載未之聞也大勳既  
集泰陵紹統於斯時也群臣訂議請於太室荐於明神  
所以合國人之公願以鋪張對天之宏休匪日後人之  
私也歲在崇寧明詔下頒以謂德不可以先言運功不  
可以特言建乃見大號於德曰帝德於功曰王功亦云  
至矣然議臣講求理有未盡則在昭宣其有待於今  
日臣等聞之堯舜盛帝也而二典所書以若稽古為言

吳興劉氏嘉業堂鈔本

文武顯王也而詩人歌之曰皇王惟辟惟神宗皇帝與  
堯舜文武相望於千百載之後道同而心契之是以先  
民是若舊章是由操以為驗稽以為決者有所謂法古  
權與萬事綱紀四方有典有則有倫有要制而用之以  
為法舉而措之以為業者有所謂立憲而崇寧加號曾  
未之及固宜軫孝思發德音增長鴻烈著於徽稱若夫  
恭天之載順帝之則不言而四時行得一而天下正所  
以為體元降神出明探顯索隱形於五味列為九變所  
以為顯道如天之無不燾地之無不載而遠同乎二帝  
是之謂帝德六府孔修三事惟和而上比乎三王是之  
謂王功藻色以明之聲音以揚之所以藩飾顯設者無

所不備是之謂英文陽開陰閉雷動風行所以震曜威  
服者無所不至是之謂烈武於穆不已兼愛無私非曰  
欽仁乎大而化之永言保之非曰聖孝乎則昔時之議  
無得而易矣竊惟神人無名不可以形容大聖有作或  
得而擬議合而言之庶幾道備德全善并美具寫之琬  
琰編之詩書永永萬年與宋無極伏請增上徽號曰神  
宗體元顯道法古立憲帝德王功英文烈武欽仁聖孝  
皇帝 是日又上更定哲宗皇帝徽號曰憲元繼道世  
德揚功欽文睿武齊聖昭孝皇帝 議曰臣等聞自昔  
聖人體道應世垂創典則將以傳之無窮施之罔極必有  
繼體之君嗣前人恭明德必在乎緝熙而襄其大功故休

八行  
是日欽此

吳興劉氏嘉業堂鈔本

烈盛美光暉日新有隆而無替周之三后文謨武烈以  
顯以承而成王受之率循篤緒戰戰兢兢善始善終編  
之詩書而無愧垂之後世而不惑卓乎不可尚已恭惟  
哲宗皇帝蚤以元良紹膺大統臨御之初恭默退託而  
權臣擅政朋黨蔽朝肆為紛更以逞私意熙豐之良法  
善制掃盪盡矣爰自躬攬震赫威斷雷厲風飛神明不  
測投鼠竊慝大正典刑舊臣遺雋得開其忠然後神考  
之盛德大業得以振復于搶攘委墜之後闇者以章債  
者復起磨猶氛曠開除而日月遽照前人之光無所遏  
佚可謂盛矣夫名正於實義設于適繼昭夏崇號謚將  
以鋪張宏休垂示無極而名弗究於當年義不白於後

所不備是之謂英文陽開陰閉雷動風行所以震曜威  
服者無所不至是之謂烈武於穆不已兼愛無私非曰  
欽仁乎大而化之永言保之非曰聖孝乎則昔時之議  
無得而易矣竊惟神人無名不可以形容大聖有作或  
得而擬議合而言之庶幾道備德全善并美具寫之琬  
琰編之詩書永永萬年與宋無極伏請增上徽號曰神  
聖體元顯道法古立憲帝德王功英文烈武欽仁聖孝  
皇帝 是日又上更定哲宗皇帝徽號曰憲元繼道世  
德揚功欽文睿武齊聖昭孝皇帝 議曰臣等聞自昔  
聖人體道應世垂創典則將以傳之無窮施之罔極必有  
繼體之君嗣前人恭明德必在乎緝熙而裒其大功故休

八行

皇日欽聖行依一

吳興劉氏嘉業堂鈔本

烈盛美光暉日新有隆而無替周之三后文謨武烈以  
顯以承而成王受之率循篤緒戰戰兢兢善始善終編  
之詩書而無愧垂之後世而不惑卓乎不可尚已恭惟  
哲宗皇帝蚤以元良紹膺大統臨御之初恭默退託而  
權臣擅政朋黨蔽朝肆為紛更以逞私意熙豐之良法  
善制掃盪盡矣爰自躬攬震赫威斷雷厲風飛神明不  
測投鼠姦慝大正典刑舊臣遺雋得開其忠然後神考  
之盛德大業得以振復于搶攘委墜之後闇者以章債  
者復起詹猶氛曠開除而日月遽照前人之光無所遏  
佚可謂盛矣夫名正於實義設于適繼昭夏崇號諡將  
以鋪張宏休垂示無極而名弗究於當年義不白於後

世顧豈足以慰上天之靈而稱今日歸美之意哉此宜  
明詔之所申諭也蓋聞聖人體神合變藏用於寂蕩蕩  
乎民莫能名焉然其制行以人應時而造者既以顯於  
行為斯可得而擬象故因其真心致道而天下之理得  
則謂之德因其興事造業而天下之務成則謂之功德  
積於躬無為而治有若二帝功被於萬物不勞而成有  
若三王此神考之所以啓佑後人者也若乃體乾健以  
為制斷之剛繼離明以盡照臨之察寅畏而奉天地欽  
愛以事兩宮學緝熙於光明誠不牽於好惡親睦九族  
隆懌敘之恩惠康小民躬儉勤之行聲色弗適而臨下  
以簡貸利弗殖而理財以義不貳於任賢不遷于異志

吳興劉氏嘉業堂鈔本

凡一語一言莫不駭惠我神考之訓由是以觀哲宗皇  
帝可謂能世德者矣黜詞賦專經術增師儒崇學校復  
常平之使釐差役之擾修均輸之政嚴保伍之令左斷  
橫山率有指之疆土右闢河隴撫願附之羗戎申飭憲  
度考訂星厯訓兵務農修理嚴分凡大綱小紀罔不儀  
式刑神考之典由是以觀哲宗皇帝可謂能揚功者矣  
夫然故能基久安之勢垂長治之業我龍受之迄用有  
成于斯時也九族既睦四夷咸附士興於學吏稱其職  
民安其業物遂其性富足以備禮和足以廣樂聲名文  
物燦然大備諸福之祥莫不畢至天錫大寶告成厥功  
推原本制始創法立制權輿萬事自我神考而繼猶述事

五十一  
克篤先烈亦惟我哲宗之達孝也前日群臣所上議顯  
德定功夫顯則顯其在我者而未足以昭世德之求定  
則定其在時者而不足以盡揚功之義然則以時更定  
發揮大美實在今日若夫憲元以法天繼道以善世欽  
以直己而成經緯之文睿以研幾而致不殺之武惟精  
惟一之謂齊大而能化之為聖昭以察事物之情孝以  
通神明之德合并舊典申命上帝告于宗祏以輝無窮  
於是為稱伏請更定徽號曰哲宗憲元繼道世德揚功  
欽文睿武齊聖昭孝皇帝詔恭依宜以上所議詣太廟  
本室奏請

十一月三日文武侍從六參官以上宗室正任刺史

吳興劉氏嘉業堂鈔本

以上禁軍都虞候以上並服朝服赴大慶殿立班皇帝  
御殿備禮奉神宗皇帝徽號冊寶授于魯國公蔡京奉  
哲宗皇帝徽號冊寶授于少師太宰何執中京奉神宗  
冊寶于玉輅執中奉哲宗冊寶于金輅並詣太廟幄殿  
權奉安以俟四日皇帝詣景靈宮行禮畢赴太廟宿齋  
五日文武陪官各服朝祭服入就位以俟皇帝服袞冕  
躬行奉上神宗皇帝冊寶于本室冊文曰孝子嗣皇  
帝臣佶稽首再拜言閭道不可名其可名者非道然古  
我先王駿惠其先烈罔敢過佚彊為之名用祇命于上  
帝其道隆著永世有辭顧惟寡昧奉承聖緒夙夜基命  
宥寡肆其靖之惟厥志是繼惟厥萬事是述十有四年



道洽政治民用丕變六府三事孔修利用厚生惟和  
寡孤獨有養什五其丁壯宥興其賢能惟我神考  
稽古有為海隅萬里罔不率俾西至積石南至于  
牂牁夜郎富以備禮和以廣樂亦惟我神考建法  
立制克和厥中盛德大業光于四海格于天地無  
遠弗届大綱小紀本數未度有條而不紊若卜筮  
罔不是孚亦惟我神考于古其訓以克用人永觀  
厥成蓋迄於今天休滋至地不愛寶告成厥功錫  
以元圭末予冲人誕受厥命靡敢安居夙夜惟厲  
迪惟前人先施於我後嗣稽謨自天酌于師言謹  
以法古始立憲度增厥徽稱令燎闈圍壇大享祖  
廟躬以玉冊玉寶加上日體元顯道法古立憲

吳興劉氏嘉業堂鈔本

帝德王功英文烈武欽仁聖孝皇帝夫顯名惟德顯德  
惟名率時昭考孝思惟則洞洞屬屬若在其上爰伸命  
于皇帝垂訓來裔以先我烈考于無極謹言又躬行奉  
上哲宗皇帝冊寶于本室 冊文曰孝弟嗣皇帝臣佶  
謹再拜稽首言臣聞昔者先王褒顯其世德名潛于功  
言順于事傳言萬世遠而益彰莫之能易顧德不類嗣  
承先業永惟大思昇付之重夙夜震懼弗知攸報恭惟  
哲宗皇帝英武剛健盛德大業著在典冊載于徽稱不  
可以加至于嗣政之始恭默不言蒙養聖功沉潛剛克  
爰自親政睿知濬發南面而聽赫然昭徹如日之升追  
念先烈明發永懷震悼詆誣臨朝出涕除惡昭姦靡有

佚罰外攘夷狄以復境土內修法度是正紛更上定郊  
邱之制下復省耕斂征役之科天下靡然喜于王化復  
行熙寧元豐之政德意志慮廢而復興遵制揚功之美  
繼志述事之孝孚于神明冒于下土以迄于今地平天  
成海內乂安萬邦作孚天錫之瑞元圭自至考循初終  
寔惟前人先施後裔永惟盛美罔敢居有亦罔敢自功  
恭稽彝憲僉協人言德莫大于世前人之德功莫大于  
昭先人之功而往者所上徽稱未究斯意名以賓實實  
有餘而名不足大懼不足以彰顯丕烈用伸命於上帝  
今燎裡園壇荐享太室躬以玉冊玉寶改上曰憲元繼  
道世德揚功欽文睿武齋聖昭孝皇帝恭惟在天之靈

吳興劉氏嘉業堂鈔本

昭鑒于下來格來寘膺此名實永孚于休無數次行朝  
享太廟之禮畢赴南郊青城宮

徽宗崇寧三年三月二十六日詔曰哲宗皇帝聰明睿  
智天性夙成嗣服之初遵養淵默泊總威柄發揮權剛  
黜除姦回修復法度熙豐之政燦然再新十有六年底  
於至治而謚號所紀未能究宣朕自繼承因心則友凡  
在典禮必極其隆仰稽追崇之文具存祖考之訓雖體  
道之妙莫顯於言聲而御世之經可求於擬象載揚丕  
烈昭示無窮宜加上哲宗皇帝謚號共為一十六字合  
三省樞密院官御史中丞雜學士太中大夫以上與太  
常寺同共集議合增徽號仍令禮官詳具典禮以聞

五月六日命翰林學士承旨張康國撰更定神宗皇帝增上哲宗皇帝徽號懿文議

六月六日命宰臣蔡京撰神宗皇帝哲宗皇帝徽號冊文并書

七月二十三日又上增哲宗皇帝徽號曰憲元繼道顯德定功欽文睿武齋聖昭孝皇帝 議曰臣等聞聖人無名所謂必得其名者應帝王而已至敬無文所謂以進為文者行典禮而已然帝王之名垂于簡編者未嘗絕而典禮之文行于宗廟者致其顯則盡天下之至美以擬象合天下之公願以增崇是惟舊章宜其祇率恭惟哲宗皇帝清明剛健有開自天淵默沈潛發為英

吳興劉氏嘉業堂鈔本

斷幼冲復位疑然若神灼見幾微不動聲色惟以誠孝事于兩宮緝熙光明他無所嗜左右近習曾莫察其喜怒之色蓋如是者九年而無一日之異及其總攬威柄駿發至權雷厲風行中外丕應去姦慝如振槁復法度如轉圜博收神宗所用之臣聚於朝廷以為紹述之助于是掃盡朋黨委用才能申嚴賞罰明示好惡而作人之法取士之制理財之義裕民之仁禮之廢興刑之輕重始于朝廷布在郡邑凡元祐之所變亂者次第而悉復之然後修我戎兵震讐醜虜選練將帥恢拓土疆橫山天都既入輿地隴右酋長稽顙請歸執訊獻俘殆無虛日凡元祐之所棄捐者盡取而廣有之遠近之情歡

攸鼓舞再觀熙豐之盛而所以致此者蓋在于應天以實臨下以簡致知以察適言審聽以聖護說苟麗於法一視而無戚疎苟害於治畢陰而無細大宵旰願治十有六年四方無虞動植咸若天不愛其道地不愛其寶風雨時序日星順行神光發祥玉璽時至珍符異而瑞史不絕書至治之隆固非一言之所能盡今將圖上丕號闡揚洪烈則亦因其應帝王之迹推本所自而昭廢發之爾夫鼓一氣之自然成三材之妙用行乎至虛為物之始者元也惟聖時憲則效法於此無所異焉此之謂憲元乾坤之所以閎闢日月之所以往來萬物並由莫見其迹者適也繼之者善則運量酬酢無不承焉此之

吳興劉氏嘉善堂鈔本

謂繼道始則遵養時晦謹密而不出終則泛應曲當輝光而日新開之廓然被于四表非顯德乎觀會通之宜御方來之變應時而造者以莫不興為國之利者舉無遺策浮言不能惑異意不能沮非定功乎不自以為足不志其所恭達經緯之原順剛柔之用可謂欽文矣虛以致其明思以合其幾運不測之神成無競之烈可謂睿武矣有萬不同莫能一致自我總之之謂齊以天為宗以德為本大通四闢之謂聖而昭則無小不察容光必照孝則克篤前烈適觀厥成合是數者雖未足以窺其緒餘而至美之所存公願之所在冒昧自竭無餘蘊矣伏請增上徽號曰哲宗憲元繼道顯定德功欽文睿

武齊聖昭孝皇帝詔恭依宜以所上議詣太廟本室奏請

十一月二十三日奉哲宗皇帝徽號冊寶授知樞密院蔡卞上于太廟室 冊文曰孝弟嗣皇帝 臣佶謹稽首再拜言臣聞昔者明王崇德廣業舉而措之天下日見之行于用則藏于仁則顯其稱名或小其取類則大故令聞廣譽克有辭于永世無得而加焉乃若德有餘于業名不稱其實未足以丕揚顯烈以端命於上帝則在我後之人恭惟哲宗欽文睿武昭孝皇帝仁覆四海十有六年肆其邸位越在冲幼沈潛剛克以蒙養正動靜有度不大聲色左右僕御侍從之臣亦罔能知蓋不

吳興劉氏嘉業堂鈔本

言者九年爰及親政率時昭考永言孝思追悼先烈弗克欽若潰於厥成放逐姦宄是正詆誣遵制揚功儀刑典則登用善良協于克一四方風動如日之中至于清靜而寡欲體仁而繼善先後天時遇災而懼遵者貴德靡所不欽南面而聽尊嚴若神瘴惡雖弗容貸而好善常若不及故小大祇若無侮無拂市無割斗折衡之爭朝無錯立族設之犯慈故能勇外攘夷狄闢闢境土克繼前人卒其武功皇天眷佑諸福畢至地不受寶神靈自出英聲茂實莫可殫窮末予冲人祇奉顧託付以大業夙夜祇懼懼弗能勝乃者姦臣乘隙覆出為惡公肆抵戲用正典刑無有伏罰顯謨丕烈既晦而明然其垂

之將來昭示無極其敢不虔爰卜日至禋于圜丘哀對  
明神增備徽典稽諸故實協于師言自天申錫萬邦作  
孚謹遣金紫光祿大夫知樞密事上柱國南陽郡開國  
公食邑三千三百戶食實封八百戶蔡卞奉玉冊玉寶  
上徽號曰哲宗憲元繼道顯德定功欽文睿武齊聖昭  
孝皇帝恭惟在天之靈降鑒于下來燕來寧膺受茲禮  
於昭於天俾緝熙于純嘏謹言禮畢羣臣拜表稱賀  
徽宗體神合道駿烈遜功聖文仁德慈憲顯孝皇帝  
初謚聖文仁德顯孝窮理盡性曰聖經緯天地曰文功  
施于民曰仁有義可尊曰德受祿于天曰顯慈惠愛親  
曰孝後加上體仁合道駿烈遜功憲慈十字

# 禮嘉

謚

歷代帝謚

后謚

王謚

群臣謚  
處士謚  
僧謚

